



TOSHKENT SHAHAR YANGIHAYOT TUMAN HOKIMI Q A R O R I

2023 - yil 16 - may

139-14-220-Q/23

Yangihayot tuman hokimligi

Toshkent shahar hokimining 2023-yil 11-maydagi 297-14-0-Q/23-sonli qarori ijrosi to'g'risida

O'zbekiston Respublikasi Vazirlar Mahkamasining 2023-yil 19-apreldagi "Oilaviy tadbirkorlikni rivojlantirish dasturlari doirasida kreditlar ajratishni takomillashtirish hamda aholining doimiy daromad manbalarini ko'paytirishga doir qo'shimcha chora-tadbirlar to'g'risida"gi 161-sonli qarori, shuningdek, hududlarda aholining daromad topishga qaratilgan muayyan mehnat bilan shug'ullanishiga ko'maklashish, oilaviy tadbirkorlikni rivojlantirish dasturlari doirasida kreditlar ajratishni takomillashtirish hamda Toshkent shahar hokimining 2023-yil 11-maydagi 297-14-0-Q/23-sonli qarori ijrosini ta'minlash maqsadida,

QAROR QILAMAN:

1. Toshkent shahar hokimining "O'zbekiston Respublikasi Vazirlar Mahkamasining 2023-yil 19-apreldagi "Oilaviy tadbirkorlikni rivojlantirish dasturlari doirasida kreditlar ajratishni takomillashtirish hamda aholining doimiy daromad manbalarini ko'paytirishga doir qo'shimcha chora-tadbirlar to'g'risida"gi 161-sonli qarori ijrosi to'g'risida" 2023-yil 11-maydagi 297-14-0-Q/23-sonli qarori ma'lumot va ijro uchun qabul qilinsin.

2. O'zbekiston Respublikasi Vazirlar Mahkamasining mazkur qaroriga muvofiq:

kreditlarni yillik 14 foiz stavkada ajratish tartibi saqlab qolinganligi;

hokim yordamchilarining kredit ajratish bo'yicha tavsiya berishiga mahalliy ijro etuvchi hokimiyat organlari rahbarlarining aralashuviga yo'l qo'yilmasligi belgilanganligi ma'lumot uchun qabul qilinsin.

3. Tuman hokimining birinchi o'rinbosari (X.Tashpulatov), tuman Bank xizmatlari ko'rsatish markazlari, tuman Kambag'allikni qisqartirish va bandlik bo'limi (O.Hushboqov), Savdo-sanoat palatasi tuman bo'limi, Mahalla va nuroniylarni qo'llab-quvvatlash bo'limi (X.Normurotov), Mahallabay ishlash va tadbirkorlikni rivojlantirish agentligining tuman bo'limi (A.Jumaev), tegishli tashkilotlar bilan birgalikda:

ajratilgan kreditlarning ularni soʻndirish grafigiga muvofiq qaytarilishini va muammoli kreditlarni undirish borasida amalga oshirilayotgan ishlarni har oy yakuni boʻyicha muhokama qilib, mahallalarda kreditlash prognozlarini soʻndirilmasdan qolib ketgan mablagʻlarga mos ravishda kamaytirib borilishi taʼminlansin;

tuman hokimining birinchi oʻrinbosari - Oilaviy tadbirkorlikni qoʻllab-quvvatlash markazi rahbarining dasturlar ijrosini, shu jumladan, ajratilgan kreditlar samaradorligini taʼminlash borasida amalga oshirilayotgan ishlar toʻgʻrisida har chorak yakuni boʻyicha xalq deputatlari Yangihayot tuman Kengashida hisobot berib borishi tashkil qilinsin.

Bunda tumanda dasturlarni amalga oshirishdan koʻzlangan maqsadlarga erishilishi,

dasturlarning aholi bandligini taʼminlash va daromad manbaini oshirishga taʼsiri,

ajratilgan imtiyozli kreditlar samaradorligi, yuzaga kelgan muammoli kreditlar va uning sabablari, muammoli kreditlarni qaytarish boʻyicha amalga oshirilayotgan ishlar samaradorligi toʻgʻrisida batafsil hisobot berilishi nazoratga olinsin.

4. Tuman hokimligi Matbuot xizmati (N.Hakimova), Savdo-sanoat palatasi tuman boʻlimi ommaviy axborot vositalari bilan hamkorlikda Oʻzbekiston Respublikasi Vazirlar Mahkamasining 2023-yil 19-apreldagi “Oilaviy tadbirkorlikni rivojlantirish dasturlari doirasida kreditlar ajratishni takomillashtirish hamda aholining doimiy daromad manbalarini koʻpaytirishga doir qoʻshimcha chora-tadbirlar toʻgʻrisida”gi 161-sonli qarorida belgilangan vazifalarni amalga oshirish jarayonlarining sodda, xalqchil tilda ommaviy axborot vositalarida va Internet tarmogida keng yoritilishi tavsiya etilsin.

5. Mazkur qarorning ijrosini nazorat qilish tuman hokimining birinchi oʻrinbosari X.Tashpulatov zimmasiga yuklatilsin.

Yangihayot tumani hokimi



X.Inogamov